

**«ԱՊՐԵԼՈՒ ԱՐՑԱՆ»  
ԲԱՐԵԳՈՐԾԱԿԱՆ ՀԻՄՆԱԴՐԱՄ**

**Ֆինանսական հաշվետվություններ**

*2022թ. դեկտեմբերի 31-ին ավարտված տարվա համար  
Անկախ աուդիտորական եզրակացության հետ միասին*

## Բովանդակություն

### Անկախ աուդիտորական եզրակացություն

|                                                               |   |
|---------------------------------------------------------------|---|
| Ֆինանսական վիճակի մասին հաշվետվություն .....                  | 1 |
| Համապարփակ ֆինանսական արդյունքների մասին հաշվետվություն ..... | 2 |
| Չուտ ակտիվներում փոփոխությունների մասին հաշվետվություն .....  | 3 |
| Դրամական միջոցների հոսքերի մասին հաշվետվություն .....         | 4 |

### Ֆինանսական հաշվետվություններին կից ծանոթագրություններ

|                                                                                |    |
|--------------------------------------------------------------------------------|----|
| 1.Գործունեության նկարագրություն .....                                          | 5  |
| 2.Հաշվետվությունների պատրաստման հիմունքները .....                              | 5  |
| 3.Հաշվապահական հաշվառման նշանակալի քաղաքականությունների ամփոփ նկարագիրը .....  | 5  |
| 4.Նոր և փոփոխված ստանդարտներ և մեկնաբանություններ .....                        | 8  |
| 5.Թողարկված, բայց դեռ ուժի մեջ չմտած ստանդարտներ .....                         | 10 |
| 6.Նշանակալի հաշվապահական դատողություններ, գնահատումներ և ենթադրություններ..... | 11 |
| 7.Կանխավճարներ.....                                                            | 11 |
| 8.Դրամական միջոցներ և դրանց համարժեքներ .....                                  | 12 |
| 9.Եկամտի սահմանափակ օգտագործման ֆոնդեր .....                                   | 12 |
| 10.Կրեդիտորական պարտքեր .....                                                  | 13 |
| 11.Վարչական և այլ ծախսեր.....                                                  | 13 |
| 12.Պարտավորվածություններ, պայմանական պարտավորություններ.....                   | 13 |
| 13.Գործարքներ կապակցված կողմերի հետ.....                                       | 13 |
| 14.Ռիսկի կառավարում .....                                                      | 14 |
| 15.Հաշվետու ժամանակաշրջանից հետո տեղի ունեցող դեպքեր.....                      | 14 |





## **Անկախ աուդիտորական եզրակացություն**

«ԱՊՐԵԼՈՒ ԱՐՑԱԽ» բարեգործական հիմնադրամի Հոգաբարձուների խորհրդին

### **Կարծիք**

Մենք աուդիտի ենք ենթարկել «ԱՊՐԵԼՈՒ ԱՐՑԱԽ» Բարեգործական Հիմնադրամի (այսուհետ՝ Հիմնադրամ) ֆինանսական հաշվետվությունները, որոնք ներառում են 2022թ. դեկտեմբերի 31-ի դրությամբ ֆինանսական վիճակի մասին հաշվետվությունը, 2022թ. դեկտեմբերի 31-ին ավարտված տարվա համար համապարփակ ֆինանսական արդյունքների, զուտ ակտիվներում փոփոխությունների և դրամական միջոցների հոսքերի մասին հաշվետվությունները, ինչպես նաև ֆինանսական հաշվետվություններին կից ծանոթագրությունները, ներառյալ՝ հաշվապահական հաշվառման բաղադրականության ամփոփ նկարագիրը:

Մեր կարծիքով, կից ֆինանսական հաշվետվությունները բոլոր էական առումներով ճշմարիտ են ներկայացնում Հիմնադրամի ֆինանսական վիճակը 2022թ. դեկտեմբերի 31-ի դրությամբ, 2022թ. դեկտեմբերի 31-ին ավարտված տարվա համար համապարփակ ֆինանսական արդյունքները և դրամական միջոցների հոսքերը՝ համաձայն ֆինանսական հաշվետվությունների միջազգային ստանդարտների (ՀՀՄՍ-ներ):

### **Կարծիքի հիմքեր**

Մենք աուդիտն անցկացրել ենք Աուդիտի միջազգային ստանդարտներին (ԱՄՍ-ներ) համապատասխան: Այդ ստանդարտներից բխող մեր պատասխանատվությունը նկարագրված է այս եզրակացության «Աուդիտորի պատասխանատվությունը ֆինանսական հաշվետվությունների աուդիտի համար» բաժնում: Մենք անկախ ենք Հիմնադրամից՝ համաձայն Հաշվապահների Եթիկայի Միջազգային Ստանդարտների խորհրդի կողմից հրապարակված Պրոֆեսիոնալ հաշվապահի Եթիկայի միջազգային կանոնագրի (ներառյալ՝ Անկախության միջազգային ստանդարտները) (ՀԷՄՍ կանոնագիրը), և պահպանել ենք Եթիկայի այլ պահանջները՝ համաձայն ՀԷՄՍ կանոնների:

Մենք համոզված ենք, որ մեր կողմից ձեռք բերված աուդիտորական ապացույցները բավարար և համապատասխան հիմք են հանդիսանում մեր կարծիքն արտահայտելու համար:

### **Ղեկավարության և Հոգաբարձուների խորհրդի պատասխանատվությունը ֆինանսական հաշվետվությունների համար**

Ղեկավարությունը պատասխանատու է ՀՀՄՍ-ների համաձայն ֆինանսական հաշվետվությունների պատրաստման և ճշմարիտ ներկայացման և այնպիսի ներքին հսկողության համար, որը, ըստ ղեկավարության, անհրաժեշտ է խարդախության կամ սխալի հետևանքով էական խեղաթյուրումներից զերծ ֆինանսական հաշվետվությունների պատրաստումն ապահովելու համար:

Ֆինանսական հաշվետվություններ պատրաստելիս ղեկավարությունը պատասխանատու է Հիմնադրամի անընդհատ գործելու կարողությունը գնահատելու համար, համապատասխան ղեպերում անընդհատության հետ կապված հարցերը բացահայտելու և կազմակերպության գործունեության անընդհատության ենթադրության հիման վրա հաշվետվությունները պատրաստելու համար, բացառությամբ այն դեպքերի, երբ ղեկավարությունը մտադիր է լուծարել Հիմնադրամը, ընդհատել դրա գործունեությունը, կամ երբ չունի այդպես չվարվելու որևէ իրատեսական այլընտրանք:

Հոգաբարձուների խորհուրդը պատասխանատու է Հիմնադրամի ֆինանսական հաշվետվությունների պատրաստման գործընթացի նկատմամբ վերահսկողության համար:





Հասցե՝ Երևան, Պարոնյան 9 բն. 12

Էլ. հասցե՝ info@fins.am

Հեռ.՝ +374 60 525 025

Address: Yerevan, Paronyan str. 9 h. 12

Email: info@fins.am

Phone: +374 60 525 025

### **Աուդիտորի պատասխանատվությունը ֆինանսական հաշվետվությունների աուդիտի համար**

Մեր նպատակն է ձեռք բերել ողջամիտ հավաստիացում առ այն, որ ֆինանսական հաշվետվությունները, ամբողջությամբ վերցրած, զերծ են Էական խեղաթյուրումներից՝ անկախ դրանց խարդախության կամ սխալի հետևանքով առաջացման հանգամանքից, և ներկայացնել մեր կարծիքը ներառող աուդիտորական եզրակացություն: Ողջամիտ հավաստիացումը բարձր մակարդակի հավաստիացում է, բայց այն չի երաշխավորում, որ Աուդիտի միջազգային ստանդարտներին համաձայն իրականացված աուդիտը միշտ կհայտնաբերի Էական խեղաթյուրումներ, երբ այն առկա է: Խեղաթյուրումները կարող են առաջանալ խարդախության կամ սխալի արդյունքում և համարվում են Էական, երբ խելամտորեն կարող է ակնկալվել, որ դրանք, առանձին կամ միասին վերցրած, կազդեն ֆինանսական հաշվետվություններն օգտագործողների՝ այդ ֆինանսական հաշվետվությունների հիման վրա կայացվող տնտեսական որոշումների վրա:

ԱՄՍ-ների համաձայն իրականացրած աուդիտի ողջ ընթացքում կիրառում ենք մասնագիտական դատողություն և պահպանում մասնագիտական կասկածամտություն: Ի յուրմէ՝

► հատկորոշում և գնահատում ենք խարդախության կամ սխալի հետևանքով ֆինանսական հաշվետվությունների Էական խեղաթյուրման ռիսկերը, նախագծում և իրականացնում ենք աուդիտորական ընթացակարգեր՝ այդ ռիսկերին արձագանքելու նպատակով, և ձեռք ենք բերում աուդիտորական ապացույցներ, որոնք բավարար և համապատասխան հիմք են հանդիսանում մեր կարծիքի համար: Խարդախության հետևանքով առաջացած Էական խեղաթյուրման չբացահայտման ռիսկն ավելի բարձր է, քան սխալի հետևանքով Էական խեղաթյուրման չբացահայտման ռիսկը, քանի որ խարդախությունը կարող է ներառել հանցավոր համաձայնություն, զեղծարարություն, միտումնավոր բացթողումներ, սխալ ներկայացումներ կամ ներքին հսկողության համակարգի չարաշահում:

► ձեռք ենք բերում աուդիտին վերաբերող ներքին հսկողության մասին պատկերացում՝ տվյալ հանգամանքներին համապատասխան աուդիտորական ընթացակարգեր նախագծելու, և ոչ թե Հիմնադրամի ներքին հսկողության արդյունավետության վերաբերյալ կարծիք արտահայտելու համար:

► գնահատում ենք հաշվապահական հաշվառման կիրառված քաղաքականության տեղին լինելը, ինչպես նաև ղեկավարության կողմից կատարած հաշվապահական հաշվառման գնահատումների և կից բացահայտումների խելամտությունը:

► Եզրահանգում ենք ղեկավարության կողմից հաշվապահական հաշվառման անընդհատության սկզբունքի կիրառման տեղին լինելու վերաբերյալ և հիմնվելով ձեռք բերված աուդիտորական ապացույցների վրա՝ գնահատում ենք, թե արդյոք առկա է ղեպների կամ հանգամանքների հետ կապված Էական անորոշություն, որը կարող է Էական կասկած հարուցել Հիմնադրամի անընդհատ գործելու կարողության վրա: Եթե մենք եզրահանգում ենք, որ առկա է Էական անորոշություն, ապա մեզանից պահանջվում է աուդիտորական եզրակացությունում ուշադրություն հրավիրել ֆինանսական հաշվետվությունների համապատասխան բացահայտումներին, կամ, երբ այդ բացահայտումները համապատասխան չեն, ձևափոխել մեր կարծիքը: Մեր եզրահանգումները հիմնված են մինչև մեր աուդիտորական եզրակացության ամսաթիվը ձեռք բերված աուդիտորական ապացույցների վրա: Սակայն, ապագա իրադարձություններն ու հանգամանքները կարող են հանգեցնել Հիմնադրամի գործունեության անընդհատության դադարեցմանը:

► գնահատում ենք ֆինանսական հաշվետվությունների ընդհանուր ներկայացումը, կառուցվածքն ու բովանդակությունը, ներառյալ՝ բացահայտումները, ինչպես նաև ֆինանսական հաշվետվությունների հիմքում ընկած գործարքների ու ղեպների ճշմարիտ ներկայացումը:

Հոգաբարձուների խորհրդին, ի թիվս այլ հարցերի, հաղորդակցում ենք աուդիտի առաջադրանքի պլանավորված շրջանակի և ժամկետների, ինչպես նաև աուդիտի ընթացքում հայտնաբերված նշանակալի հարցերի, ներառյալ՝ ներքին հսկողությանը վերաբերող նշանակալի թերությունների մասին:

«ՖԻՆԱ ԱՌԻԴԻՏ» ՓԲԸ

21 հունիս, 2023թ.


ՀՀ, ք. Երևան

Տնօրեն

Արմինե Ավագյան

Աուդիտի ղեկավար

Յուրակ Մակարյան





## Ֆինանսական վիճակի մասին հաշվետվություն

2022թ. դեկտեմբերի 31-ի դրությամբ

(հազար ՀՀ դրամ)

|                                       | Ծան. | 2022թ.         | 2021թ.         |
|---------------------------------------|------|----------------|----------------|
| <b>Ակտիվներ</b>                       |      |                |                |
| <b>Ոչ ընթացիկ ակտիվներ</b>            |      |                |                |
| Կանխավճարներ                          | 7    | 10,521         | 102,000        |
|                                       |      | <u>10,521</u>  | <u>102,000</u> |
| <b>Ընթացիկ ակտիվներ</b>               |      |                |                |
| Դեբիտորական պարտքեր                   | 9    | 111            | 600            |
| Դրամական միջոցներ և դրանց համարժեքներ | 8    | 605            | 26,006         |
|                                       |      | <u>716</u>     | <u>26,606</u>  |
| <b>Ընդամենը ակտիվներ</b>              |      | <u>11,237</u>  | <u>128,606</u> |
| <b>Ոչ ընթացիկ պարտավորություններ</b>  |      |                |                |
| Եկամտի սահմանափակ ֆոնդեր              | 9    | -              | 128,606        |
|                                       |      | <u>-</u>       | <u>128,606</u> |
| <b>Ընթացիկ պարտավորություններ</b>     |      |                |                |
| Կրեդիտորական պարտքեր                  | 10   | 19,088         | -              |
|                                       |      | <u>19,088</u>  | <u>-</u>       |
| <b>Ընդամենը պարտավորություններ</b>    |      | <u>19,088</u>  | <u>128,606</u> |
| <b>Չուտ ակտիվներ</b>                  |      | <u>(7,851)</u> | <u>-</u>       |

Սույն ֆինանսական հաշվետվությունները հաստատվել են Հիմնադրամի Զոգաբարձուների խորհրդի կողմից և ստորագրվել՝

Գլխավոր տնօրեն՝

Մեսրոպ Առաքելյան

21 հունիսի, 2023թ.



**Համապարփակ ֆինանսական արդյունքների մասին հաշվետվություն**  
**2022թ. դեկտեմբերի 31-ին ավարտված տարվա համար**  
(հազար ՀՀ դրամ)

|                                                                      | Ծան. | 2022թ.           | 2021թ. մայիսի 14-ից 2021թ.<br>դեկտեմբերի 31-ը ընկած<br>ժամանակահատվածի<br>համար |
|----------------------------------------------------------------------|------|------------------|---------------------------------------------------------------------------------|
| Եկամուտներ ստացված<br>նվիրաբերություններից                           | 9    | 172,047          | 430                                                                             |
| <b>Ընդամենը եկամուտ</b>                                              |      | <b>172,047</b>   | <b>430</b>                                                                      |
| Վարչական և այլ ծախսեր                                                | 11   | (179,639)        | (476)                                                                           |
| <b>Ընդամենը ծախսեր</b>                                               |      | <b>(179,639)</b> | <b>(476)</b>                                                                    |
| <b>Գործառնական վնաս</b>                                              |      | <b>(7,592)</b>   | <b>(46)</b>                                                                     |
| Տոկոսային եկամուտ                                                    |      | 57               | 32                                                                              |
| Արտարժույթի փոխարժեքի<br>փոփոխությունների զուտ<br>տարբերություններ   |      | (316)            | 14                                                                              |
| <b>Հաշվետու<br/>ժամանակաշրջանի<br/>համապարփակ<br/>եկամուտ/(վնաս)</b> |      | <b>(7,851)</b>   | <b>-</b>                                                                        |



**Չուտ ակտիվներում փոփոխությունների մասին հաշվետվություն**  
**2022թ. դեկտեմբերի 31-ին ավարտված տարվա համար**  
*(հազար ՀՀ դրամ)*

|                                                               | <i>Ընդամենը<br/>զուտ ակտիվներ</i> |
|---------------------------------------------------------------|-----------------------------------|
| 2021թ. մայիսի 14-ի դրությամբ                                  | -                                 |
| Ընդամենը հաշվետու ժամանակաշրջանի<br>համապարփակ եկամուտ/(վնաս) | -                                 |
| 2021թ. դեկտեմբերի 31-ի դրությամբ                              | -                                 |
| Ընդամենը հաշվետու ժամանակաշրջանի<br>համապարփակ եկամուտ/(վնաս) | (7,851)                           |
| 2022թ. դեկտեմբերի 31-ի դրությամբ                              | (7,851)                           |



**Դրամական միջոցների հոսքերի մասին հաշվետվություն**

**2022թ. դեկտեմբերի 31-ին ավարտված տարվա համար**

(հազար ՀՀ դրամ)

| 2021թ.մայիսի 14-ից<br>2021թ. դեկտեմբերի 31-ը<br>ընկած<br>ժամանակահատվածի<br>համար                |      |                 |               |
|--------------------------------------------------------------------------------------------------|------|-----------------|---------------|
|                                                                                                  | Ծան. | 2022թ.          |               |
| Դրամական միջոցների հոսքեր                                                                        |      |                 |               |
| գործառնական                                                                                      |      |                 |               |
| գործունեությունից                                                                                |      |                 |               |
| Ստացված նվիրաբերություններ                                                                       | 9    | 43,929          | 128,436       |
| Տրված կանխավճարներ                                                                               |      | (63,031)        | (102,000)     |
| Բանկային ծառայության վճար                                                                        |      | (62)            | (476)         |
| Մատակարարներին վճարված դրամական միջոցներ                                                         |      | (4,000)         | -             |
| Գործառնական գործունեությունից դրամական միջոցների այլ արտահոսքեր                                  |      | (1,978)         | -             |
| Տոկոսային եկամուտ                                                                                |      | 57              | 32            |
| <b>2ուտ դրամական միջոցների հոսքեր՝</b>                                                           |      | <b>(25,085)</b> | <b>25,992</b> |
| <b>գործառնական գործունեությունից</b>                                                             |      |                 |               |
| Արտարժույթի փոխարժեքի փոփոխությունների ազդեցությունը դրամական միջոցների և դրանց համարժեքների վրա |      | (316)           | 14            |
| <b>Դրամական միջոցների և դրանց համարժեքների զուտ աճ/(նվազում)</b>                                 |      | <b>(25,401)</b> | <b>26,006</b> |
| <b>Դրամական միջոցներ և դրանց համարժեքներ հաշվետու տարվա սկզբում</b>                              |      | <b>26,006</b>   | <b>-</b>      |
| <b>Դրամական միջոցներ և դրանց համարժեքներ հաշվետու տարվա վերջում</b>                              | 8    | <b>605</b>      | <b>26,006</b> |



## 1. Գործունեության նկարագրություն

«ԱՊՐԵԼՈՒ ԱՐՑԱԽ» բարեգործական հիմնադրամը (այսուհետ՝ Հիմնադրամ) հիմնադրվել է 2021թ. մայիսի 14-ին՝ որպես շահույթ չհետապնդող կազմակերպություն և գործում է Հայաստանի Հանրապետության օրենսդրության համաձայն:

Հիմնադրամը ստեղծվել է՝ նպաստելու Արցախի զարգացմանը և Արցախի բնակիչների կենսագործունեության բարելավմանը:

Հիմնադրամի հիմնադիրներն են՝ Մեսրոպ Առաքելյանը և Մանե Թանդիլյանը: Հիմնադրամի գտնվելու վայրն է՝ ՀՀ, ք. Երևան, Նորքի փող. 1-ին նրբ. Տ 30/2:

Հոգաբարձուների խորհուրդը բաղկացած է 3 անդամից: 2022թ. դեկտեմբերի 31-ի դրությամբ Հիմնադրամն ունեցել է 1 աշխատող (2021՝ 1 աշխատող):

Հիմնադրամի հիմնական նպատակները հետևյալն են՝

- ▶ իրականացնել Արցախի կայուն զարգացմանն ուղղված ծրագրեր,
- ▶ նպաստել Արցախի քաղաքացիների կրթական, առողջապահական, սոցիալական, մշակութային խնդիրների արդյունավետ և հասցեական լուծմանը,
- ▶ նպաստել Արցախում մարդու կենսագործունեության համար ենթակառուցվածքների զարգացմանը,
- ▶ իրականացնել տնտեսական գործունեության աջակցման ծրագրեր:

Քանի որ Հիմնադրամի հիմնական գործունեությունը կապված է Արցախի հետ, կան որոշակի անորոշություններ կապված՝ Արցախի հիմնահարցի հանգուցալուծման և Հիմնադրամի գործունեության անընդհատության հետ, սակայն ըստ դեկլարության գնահատականների Հիմնադրամը շարունակելու է իր գործունեությունը մոտ ապագայում:

## 2. Հաշվետվությունների պատրաստման հիմունքները

### Ընդհանուր

Սույն ֆինանսական հաշվետվությունները պատրաստվել են Ֆինանսական հաշվետվությունների միջազգային ստանդարտների համաձայն (ՖՀՄՍ):

Հիմնադրամը պարտավորված է իրականացնել հաշվապահական հաշվառումը և պատրաստել ֆինանսական հաշվետվությունները ՀՀ դրամով՝ հաշվապահական հաշվառման ՀՀ օրենսդրությանը և դրանից բխող ցուցումներին համապատասխան:

Ֆինանսական հաշվետվությունները պատրաստվել են պատմական արժեքի սկզբունքի հիման վրա, ինչպես բացահայտված է ստորև բերված հաշվապահական հաշվառման քաղաքականության մեջ:

Ֆինանսական հաշվետվությունները ներկայացված են հայկական դրամով (ՀՀ դրամ), և բոլոր արժեքները կլորացված են մինչև հազար ՀՀ դրամ, եթե այլ բան նշված չէ:

## 3. Հաշվապահական հաշվառման նշանակալի քաղաքականությունների ամփոփ նկարագիրը

### Դրամական միջոցներ և դրանց համարժեքներ

Դրամական միջոցներն ու դրանց համարժեքները ներառում են կանխիկ միջոցները և բանկային հաշիվների մնացորդները:

Ավանդադրված միջոցները դասակարգվում են որպես կարճաժամկետ, եթե նրանց մարման ժամկետը հաշվետու ժամանակաշրջանից հետո մինչև 90 օր է:

### Կանխավճարներ

Կանխավճարները հաշվառվում են սկզբնական արժեքով՝ հանած արժեզրկման կորստի գծով պահուստը:



### 3. Հաշվապահական հաշվառման նշանակալի քաղաքականությունների ամփոփ նկարագիրը (շարունակություն)

Կանխավճարը դասակարգվում է որպես ոչ ընթացիկ, երբ դրա հետ կապված ապրանքներն ու ծառայությունները ակնկալվում են ձեռք բերվել մեկ տարուց հետո, կամ երբ այն վերաբերում է այնպիսի ակտիվի, որը սկզբնական ճանաչման պահին կդասակարգվեր որպես ոչ ընթացիկ: Ակտիվների ձեռքբերման համար տրված կանխավճարները տեղափոխվում են ակտիվի հաշվեկշռային արժեք, երբ Հիմնադրամը ակտիվի նկատմամբ ձեռք է բերում վերահսկողություն, և հավանական է, որ ակտիվի հետ կապված ապագա տնտեսական օգուտները կհոսեն դեպի Հիմնադրամ: Այլ կանխավճարները ծախսագրվում են ֆինանսական արդյունքներում, երբ ստացվում են դրանց հետ կապված ապրանքներն ու ծառայությունները: Եթե առկա է որևէ հայտանիշ, որ կանխավճարի հետ կապված ակտիվները, ապրանքներն ու ծառայությունները չեն ստացվելու, ապա կանխավճարի հաշվեկշռային արժեքը համարժեք կերպով նվազեցվում է, և համապատասխան արժեզրկումից կորուստը ճանաչվում է տվյալ տարվա ֆինանսական արդյունքներում:

#### Հիմնական միջոցներ

Հիմնական միջոցներն արտացոլվում են սկզբնական արժեքով՝ առանց ընթացիկ սպասարկման ծախսերի՝ հանած կուտակված մաշվածություն ու արժեզրկումից կուտակված կորուստները: Արժեքը ներառում է սարքավորման փոխարինման ժամանակ կատարված ծախսերը, եթե դրանք բավարարում են ճանաչման չափանիշներին:

Հիմնական միջոցների հաշվեկշռային արժեքը վերանայվում է արժեզրկման տեսանկյունից այն դեպքում, երբ առաջանում են դեպքերի կամ հանգամանքների այնպիսի փոփոխություններ, որոնք վկայում են ակտիվի հաշվեկշռային արժեքի հնարավոր չվերականգնման վերաբերյալ:

Ակտիվի մաշվածության հաշվարկը սկսվում է կատարվել այն ժամանակ, երբ այն օգտագործման համար դառնում է հասանելի: Մաշվածությունը հաշվարկվում է ուղիղ գծային մեթոդով:

Հաշվետու ամսաթվի դրությամբ Հիմնադրամը չունի հիմնական միջոցներ:

#### Ֆինանսական ակտիվներ

Հիմնադրամի ֆինանսական ակտիվները սկզբնական ճանաչման պահին դասակարգվում են որպես հետագայում ամորտիզացված արժեքով չափվող, իրական արժեքով՝ այլ համապարփակ ֆինանսական արդյունքների միջոցով չափվող կամ իրական արժեքով՝ շահույթի կամ վնասի միջոցով չափվող ֆինանսական ակտիվներ:

Հիմնադրամն ունի այնպիսի ֆինանսական ակտիվներ, ինչպիսիք են դրամական միջոցներն ու դրանց համարժեքները և ավանդադրված միջոցներ, որոնք հանդիսանում են իր գործունեության անմիջական արդյունքը:

Ֆինանսական ակտիվը (կամ, որտեղ կիրառելի է, ֆինանսական ակտիվի մի մասը, կամ համանման ֆինանսական ակտիվների խմբի մի մասը) ապաճանաչվում է, երբ ակտիվից դրամական հոսքեր ստանալու պահանջի իրավունքի ժամկետն ավարտված է, Հիմնադրամը փոխանցել է ակտիվից դրամական հոսքեր ստանալու պահանջի իրավունքը, կամ պահպանել է այդ իրավունքը, բայց պարտավորվում է ստացված գումարներն ամբողջությամբ և առանց էական ուշացման փոխանցել երրորդ կողմին՝ փոխանցման պայմանավորվածության համաձայն, ինչպես նաև, Հիմնադրամը կամ (ա) փոխանցել է ակտիվի գծով բոլոր ռիսկերի և հատույցների զգալի մասը, կամ (բ) ոչ փոխանցել և ոչ էլ պահպանում է ակտիվի գծով բոլոր ռիսկերի և հատույցների զգալի մասը, սակայն փոխանցել է ակտիվի նկատմամբ վերահսկողությունը:



### 3. Հաշվապահական հաշվառման նշանակալի քաղաքականությունների ամփոփ նկարագիրը (շարունակություն)

#### Ֆինանսական ակտիվներ (շարունակություն)

Այն դեպքում, երբ Հիմնադրամը փոխանցել է ակտիվից դրամական հոսքեր ստանալու պահանջի իրավունքը և ոչ փոխանցել ու ոչ էլ պահպանել է ակտիվի գծով բոլոր ռիսկերի և հատույցների զգալի մասը, և չի փոխանցել ակտիվի նկատմամբ վերահսկողությունը, ակտիվը ճանաչվում է Հիմնադրամի շարունակվող մասնակցությանը համարժեք: Երբ շարունակվող մասնակցությունը ձեռք է բերում փոխանցվող ակտիվի երաշխիքային ապահովման ձև, այդպիսի մասնակցությունը չափվում է հետևյալ երկու մեծություններից նվազագույնով՝ ակտիվի սկզբնական հաշվեկշռային արժեք և Հիմնադրամից պահանջվող փոխհատուցման առավելագույն գումար:

Համաձայն ՖՀՄՍ 9-ի՝ պարտքային գործիքները սկզբնական ճանաչումից հետո չափվում են իրական արժեքով՝ շահույթի կամ վնասի միջոցով, ամորտիզացված արժեքով կամ իրական արժեքով՝ այլ համապարփակ ֆինանսական արդյունքների միջոցով: Դասակարգումը հիմնված է հետևյալ երկու չափանիշների վրա. Հիմնադրամի ակտիվների կառավարման բիզնես մոդելի և արդյոք գործիքի գծով պայմանագրային դրամական միջոցների հոսքերը բավարարում են «բացառապես հիմնական գումարի և տոկոսների վճարման» չափանիշին: ՖՀՄՍ 9-ը պահանջում է Հիմնադրամից ճանաչել ակնկալվող պարտքային կորստի գծով պահուստ բոլոր այն պարտքային գործիքների համար, որոնք չափվում են ամորտիզացված արժեքով կամ իրական արժեքով՝ այլ համապարփակ ֆինանսական արդյունքների միջոցով:

Հիմնադրամը բանկերում բացված հաշիվների և ավանդների համար պահուստի գումարը հաշվարկում է՝ ելնելով գործընկեր բանկի երկարաժամկետ վարկային ռեյտինգից:

#### Ֆինանսական պարտավորություններ

Ֆինանսական պարտավորությունները սկզբնապես ճանաչվում են իրական արժեքով՝ հանած գործարքին ուղղակիորեն վերագրելի ծախսերը, և չեն դասակարգվում որպես իրական արժեքով՝ շահույթի կամ վնասի միջոցով չափվող: Հետագա չափումը կատարվում է ամորտիզացված արժեքով՝ կիրառելով արդյունավետ տոկոսադրույքի մեթոդը:

Հիմնադրամի հիմնական ֆինանսական պարտավորությունները բաղկացած են կրեդիտորական պարտքերից:

Ֆինանսական պարտավորությունն ապաճանաչվում է, երբ մարվում, չեղյալ է համարվում կամ ուժի մեջ լինելու ժամկետը լրանում է:

#### Եկամուտներ ստացված նվիրաբերություններից

Եկամտի սահմանափակ օգտագործման ֆոնդերը ստացվում են հատուկ նպատակով նվիրաբերություններից և հասանելի չեն Հիմնադրամի ընդհանուր օգտագործման համար: Այս ֆոնդերը սկզբնապես ձևակերպվում են որպես պարտավորություններ և համապարփակ ֆինանսական արդյունքների մասին հաշվետվությունում ճանաչվում են որպես եկամուտ այնքան ժամանակ, որքան Հիմնադրամը կատարում է սահմանափակ օգտագործման ֆոնդերի գծով նվիրաբերությունների պայմանագրերով նախատեսված պարտավորությունները: Որպես կանոն՝ նման նվիրաբերություններից եկամուտները ճանաչվում են պարտավորությունները կատարելիս դրանց հետ կապված ծախսերի առաջացմանը զուգընթաց: Եկամտի սահմանափակ օգտագործման ֆոնդի տեսակ է սեփական օգտագործման ֆոնդը, որը տրամադրվում է հիմնական միջոցների և ոչ նյութական ակտիվների ձեռքբերումը և կառուցումը ֆինանսավորելու նպատակով՝ Հիմնադրամի գործունեության մեջ օգտագործվելու համար: Սեփական օգտագործման ֆոնդի գծով նվիրաբերությունները սկզբից ձևակերպվում են որպես պարտավորություններ և համապարփակ ֆինանսական արդյունքների մասին հաշվետվությունում ճանաչվում են որպես եկամուտ համապատասխան ակտիվների մաշվածության և ամորտիզացիայի գծով ծախսի չափով: Եկամտի անսահմանափակ օգտագործման ֆոնդերը հասանելի են նվիրաբերությունների ընդհանուր նպատակների համար, ինչպես նշված է Հիմնադրամի կառավարչական փաստաթղթերում:

Այդ իսկ պատճառով, եկամտի անսահմանափակ օգտագործման ֆոնդերի գծով նվիրաբերությունները ճանաչվում են որպես եկամուտ, երբ կան բավարար ապացույցներ, որ ստացվել և կատարվել է նվիրաբերությունը կատարելու խոստումը:



### 3. Հաշվապահական հաշվառման նշանակալի քաղաքականությունների ամփոփ նկարագիրը (շարունակություն)

#### Կապիտալ

Ցուրաքանչյուր հաշվետու ամսաթվի դրությամբ Հիմնադրամի կապիտալը ներկայացնում է իր զուտ ակտիվները: Հիմնադրամի զուտ ակտիվները չեն բաշխվում հիմնադիրների միջև ո՛չ սովորական գործունեության ընթացքում, և ոչ էլ՝ լուծարման ժամանակ:

#### Տոկոսային եկամուտ

Եկամուտները ճանաչվում են այն ժամանակ, երբ տոկոսները հաշվեգրվում են օգտագործելով արդյունավետ տոկոսադրույքի մեթոդը, որն ակնկալվող ապագա դրամական մուտքերը զեղչում է ֆինանսական գործիքի ակնկալվող օգտագործման ժամանակահատվածի ընթացքում ֆինանսական ակտիվի զուտ հաշվեկշռային արժեքին:

#### Ծախսեր

Վճարները, միջնորդավճարները և այլ ծախսերը սովորաբար ճանաչվում են հաշվեգրման եղանակով, երբ ծառայությունը համարվում է մատուցված:

#### Աշխատակիցների հատուցումներ

Աշխատավարձերը, ՀՀ Պետական բյուջե հատկացումները, վճարովի տարեկան արձակուրդը, հիվանդության հետ կապված վճարովի արձակուրդը, պարգևավճարները և այլ ոչ դրամական հատուցումները (ինչպիսիք են, օրինակ, առողջապահական ծառայությունները) հաշվեգրվում են Հիմնադրամի աշխատակիցների կողմից համապատասխան ծառայությունների մատուցման տարում: Աշխատակիցները ստանում են կենսաթոշակներ ՀՀ Պետական կենսաթոշակային հիմնադրամից՝ օրենքներին և կարգավորումներին համապատասխան: ՀՀ Պետական կենսաթոշակային հիմնադրամին հատկացումները կատարվում են Հիմնադրամի կողմից տվյալ տարվա ընթացքում ուժի մեջ գտնվող պարտադիր դրույքաչափերին համապատասխան: Այսպիսի հատկացումները ծախսագրվում են, երբ կատարվում են:

#### Արտարժույթային գործառնություններ

Հիմնադրամի ֆինանսական հաշվետվությունները ներկայացված են Հայկական դրամով, որը Հիմնադրամի դրամային ակտիվները և պարտավորությունները վերահաշվարկվում են հաշվետու ամսաթվի դրությամբ գործառնական արժույթի փոխանակման փոխարժեքով: Ոչ դրամային հոդվածները, որոնք չափվում են պատմական արժեքով, արտարժույթով վերահաշվարկվում են՝ օգտագործելով սկզբնական գործարքի ամսաթվի դրությամբ փոխարժեքները:

Արտարժույթով գործարքների պայմանագրային փոխարժեքի և գործարքի օրվա դրությամբ ՀՀ կենտրոնական բանկի կողմից սահմանված փոխարժեքի տարբերությունները արտացոլվում են արտարժույթային գործառնություններից առաջացած օգուտ կամ վնասում:

2022 թ. դեկտեմբերի 31-ի դրությամբ ՀՀ կենտրոնական բանկի կողմից 1 ԱՄՆ դոլարի համար հայտարարված փոխարժեքը կազմում էր 393.57 ՀՀ դրամ (2021թ.՝ 480.14 ՀՀ դրամ), 1 եվրոյի համար՝ 420.06 ՀՀ դրամ (2021թ.՝ 542.61 ՀՀ դրամ), 1 Ռուսաստանյան ռուբլու համար՝ 5.59 ՀՀ դրամ (2021թ.՝ 6.42 ՀՀ դրամ):

### 4. Նոր և փոփոխված ստանդարտներ և մեկնաբանություններ

Հիմնադրամը առաջին անգամ կիրառել է որոշակի ստանդարտներ և ստանդարտների փոփոխություններ, որոնք ուժի մեջ են մտնում 2022թ. հունվարի 1-ից կամ դրանից հետո սկսվող տարեկան ժամանակաշրջանների համար: Հիմնադրամը վաղաժամկետ չի ընդունել որևէ այլ ստանդարտ, մեկնաբանություն կամ փոփոխություն, որը հրապարակվել է, բայց դեռևս ուժի մեջ չի մտել:



#### **4.Նոր և փոփոխված ստանդարտներ և մեկնաբանություններ (շարունակություն)**

*Անբարենպաստ պայմանագրեր - Պայմանագրի կատարման ծախսեր – ՀՀՄՍ 37 փոփոխություններ*

Պայմանագիրը համարվում է անբարենպաստ, եթե այդ պայմանագրով նախատեսված պարտականությունները կատարելու անխուսափելի ծախսերը (այսինքն, այն ծախսերը, որոնց մասով Հիմնադրամը չի կարող խուսափել պայմանագրի առկայության դեպքում) գերազանցում են դրա շրջանակներում ակնկալվող տնտեսական օգուտները: Փոփոխությունները հստակեցնում են, որ պայմանագրի անբարենպաստ կամ վնասաբեր լինելը գնահատելիս, կազմակերպությունը պետք է ներառի այն ծախսումները, որոնք ուղղակիորեն առնչվում են ապրանքների կամ ծառայությունների մատուցման պայմանագրին, ներառյալ ինչպես լրացուցիչ ծախսերը (օրինակ՝ ուղղակի աշխատանքի և նյութերի ծախսերը), այնպես էլ պայմանագրային գործունեության հետ անմիջականորեն կապված ծախսերի բաշխումը (օրինակ՝ պայմանագրի կատարման համար օգտագործվող սարքավորումների մաշվածությունը և պայմանագրի կառավարման և վերահսկողության ծախսերը): Ընդհանուր և վարչական ծախսերը ուղղակիորեն չեն առնչվում պայմանագրին և չեն ներառվում այդ ծախսերում, բացառությամբ այն դեպքերի, երբ այդ ծախսերը հստակորեն գանձվում են պայմանագրի մյուս Կողմից:

Այս փոփոխությունները որևէ ազդեցություն չունեն Հիմնադրամի ֆինանսական հաշվետվություններին վրա:

*Հիմնական միջոցներ – մուտքեր նախքան նախանշած նպատակով օգտագործելը – ՀՀՄՍ 16-ի փոփոխություններ*

Այս փոփոխությունը չի թույլատրում կազմակերպություններին հիմնական միջոցների արժեքից նվազեցնել ակտիվը համապատասխան վայր և վիճակի բերելու ընթացքում, որն անհրաժեշտ է դեկավարության կողմից նախանշված նպատակով այն գործարկելու համար, արտադրված միավորների վաճառքից ստացված մուտքերը: Փոխարենը, կազմակերպությունը ճանաչում է տվյալ միավորների վաճառքից մուտքերը և տվյալ միավորների արտադրման նպատակով ծախսումները շահույթում կամ վնասում: Անցումային դրույթների համաձայն՝ Հիմնադրամը կիրառում է այս փոփոխությունները հետընթաց միայն հիմնական միջոցների այն միավորների նկատմամբ, որոնք մատչելի են օգտագործման համար ներկայացված ամենավաղ ժամանակաշրջանի սկզբում կամ դրանից հետո, երբ կազմակերպությունը առաջին անգամ կիրառում է փոփոխությունը (սկզբնական կիրառման ամսաթիվ):

Այս փոփոխությունները Հիմնադրամի ֆինանսական հաշվետվություններին վրա ազդեցություն չեն ունեցել, քանի որ չի իրականացվել հիմնական միջոցներով արտադրված այդպիսի միավորների վաճառք, որոնք մատչելի են եղել ներկայացված ամենավաղ ժամանակաշրջանի սկզբին կամ դրանից հետո:

*ՀՀՄՍ 9 Ֆինանսական գործիքներ - Ֆինանսական պարտավորությունների ապաճանաչման համար, «10 տոկոս» թեստում ներառվող վճարներ*

Փոփոխությունը պարզաբանում է այն վճարները, որոնք կազմակերպությունը ներառում է գնահատելիս, թե արդյոք նոր կամ փոփոխված ֆինանսական պարտավորության պայմանները ըստ էության տարբեր են սկզբնական ֆինանսական պարտավորության պայմաններից: Այս վճարները ներառում են միայն փոխառուի և փոխատուի միջև վճարված կամ ստացված վճարները, այդ թվում՝ կամ փոխառուի կամ փոխատուի կողմից մյուսի անունից վճարված կամ ստացված վճարները: Համանման փոփոխություն չի առաջարկվում ՀՀՄՍ 39 Ֆինանսական գործիքներ. ճանաչում և չափում ստանդարտի համար:

Անցումային դրույթների համաձայն՝ Հիմնադրամը փոփոխությունը կիրառում է այն ֆինանսական պարտավորությունների նկատմամբ, որոնք փոփոխված կամ փոխանակված են՝ կազմակերպության կողմից փոփոխության առաջին անգամ կիրառման պահին սկսվող կամ դրան հաջորդող տարեկան ժամանակաշրջանների համար (նախնական կիրառման ամսաթիվը): Այս փոփոխությունները Հիմնադրամի ֆինանսական հաշվետվություններին վրա ազդեցություն չեն ունեցել, քանի որ տվյալ ժամանակաշրջանում Հիմնադրամի ֆինանսական գործիքներում փոփոխություններ չեն կատարվել:



## 5.Թողարկված, բայց դեռ ուժի մեջ չմտած ստանդարտներ

Ստորև նկարագրված են հրապարակված նոր և փոփոխված ստանդարտներն ու մեկնաբանությունները, որոնք Հիմնադրամի ֆինանսական հաշվետվությունների թողարկման ժամանակ դեռևս ուժի մեջ չեն եղել: Հիմնադրամը պատրաստվում է կիրառելիության դեպքում ընդունել այս նոր և փոփոխված ստանդարտները և մեկնաբանությունները, երբ դրանք ուժի մեջ մտնեն:

*ՀՀՄՍ 1 փոփոխություն. Պարտավորությունների դասակարգումը որպես ընթացիկ և ոչ ընթացիկ*

2020 թվականի հունվարին ՀՀՄՍ Խորհուրդը փոփոխություններ է հրապարակել ՀՀՄՍ 1-ի 69-ից 76-րդ պարագրաֆներում՝ հստակեցնելու պարտավորությունները որպես ընթացիկ կամ ոչ ընթացիկ դասակարգելու պահանջները: Փոփոխությունները պարզաբանում են.

- ▶ Ինչ է նշանակում մարումը հետաձգելու իրավունք,
- ▶ Որ հետաձգելու իրավունքը պետք է գոյություն ունենա հաշվետու ժամանակաշրջանի վերջում,
- ▶ Որ դասակարգման վրա չի ազդում կազմակերպության՝ հետաձգելու իրավունքը օգտագործելու հավանականությունը,
- ▶ Որ միայն այն դեպքում, երբ փոխարկելի պարտավորության մեջ ներդրված ածանցյալ գործիքն ինքնին հանդիսանում է բաժնային գործիք, ապա պարտավորության պայմանները չեն ազդի դրա դասակարգման վրա:

Փոփոխություններն ուժի մեջ են մտնում 2023 թ. հունվարի 1-ին կամ այդ ամսաթվից սկսվող տարեկան հաշվետու ժամանակաշրջանների համար և պետք է կիրառվեն հետընթաց: Հիմնադրամը ներկայումս գնահատում է ընթացիկ գործունեության վրա փոփոխությունների հնարավոր ազդեցությունը:

*Հաշվապահական հաշվառման գնահատումների սահմանում – Փոփոխություններ ՀՀՄՍ 8 ստանդարտում*

2021 թվականի փետրվարին ՀՀՄՍ-ն փոփոխություններ է հրապարակել ՀՀՄՍ 8-ում, որտեղ ներկայացված է «հաշվապահական հաշվառման գնահատումների» սահմանումը: Փոփոխությունները պարզաբանում են հաշվապահական հաշվառման գնահատումների և հաշվապահական հաշվառման քաղաքականության փոփոխությունների և սխալների ուղղման տարբերությունը: Ինչպես նաև, դրանք պարզաբանում են, թե ինչպես են կազմակերպությունները օգտագործում չափման հիմունքները և ելակետային տվյալները՝ հաշվապահական հաշվառման գնահատումներ մշակելու համար:

Փոփոխություններն ուժի մեջ են մտնում 2023 թվականի հունվարի 1-ին կամ դրանից հետո սկսվող տարեկան հաշվետու ժամանակաշրջանների համար և կիրառվում են հաշվապահական հաշվառման քաղաքականության և հաշվապահական հաշվառման գնահատումների փոփոխությունների նկատմամբ, որոնք տեղի են ունենում այդ ժամանակաշրջանի սկզբին կամ դրանից հետո: Վաղաժամկետ կիրառումը թույլատրելի է, եթե այդ փաստը բացահայտվում է: Ակնկալվում է, որ փոփոխությունները Եական ազդեցություն չեն ունենա Հիմնադրամի ֆինանսական հաշվետվությունների վրա:

*Հաշվապահական հաշվառման քաղաքականությունների բացահայտում – Փոփոխություններ ՀՀՄՍ 1-ում և ՀՀՄՍ Գործնական ցուցումներ 2-ում*

2021թ.-ի փետրվարին ՀՀՄՍ-ն հրապարակել է փոփոխություններ ՀՀՄՍ 1-ում և ՀՀՄՍ Գործնական ցուցումներ 2-ում («Եականության մասին դատողությունների կիրառում»), որտեղ ներկայացված են ուղեցույցներ և օրինակներ՝ օգնելու կազմակերպություններին կիրառել հաշվապահական հաշվառման քաղաքականության բացահայտումների վերաբերյալ Եականության դատողությունները: Փոփոխությունների նպատակն է օգնել կազմակերպություններին ներկայացնել հաշվապահական հաշվառման քաղաքականության առավել օգտակար բացահայտումները՝ փոխարինելով «նշանակալի» հաշվապահական հաշվառման քաղաքականությունների բացահայտման պահանջը «Եական» հաշվապահական հաշվառման քաղաքականությունների բացահայտման պահանջով և ավելացնելով ուղեցույց այն մասին, թե կազմակերպություններն ինչպես պետք է կիրառեն Եականության հայեցակարգը հաշվապահական հաշվառման քաղաքականությունների բացահայտման վերաբերյալ որոշումներ կայացնելիս:



## 5. Թողարկված, բայց դեռ ուժի մեջ չմտած ստանդարտներ (շարունակություն)

ՀՀՍՍ 1-ի փոփոխություններն ուժի մեջ են մտնում 2023թ. հունվարի 1-ին կամ այդ ամսաթվից սկսվող տարեկան հաշվետու ժամանակաշրջանների համար՝ թույլատրելով վաղաժամկետ կիրառումը: Զանի որ Գործնական Ցուցումներ 2-ի փոփոխությունները ներկայացնում են հաշվապահական հաշվառման քաղաքականության տեղեկատվության էականության սահմանման կիրառման ոչ պարտադիր ուղեցույց, այս փոփոխությունների համար ուժի մեջ մտնելու ամսաթվի սահմանման անհրաժեշտություն չկա:

Հիմնադրամը ներկայումս գնահատում է փոփոխությունների ազդեցությունը Հիմնադրամի հաշվապահական հաշվառման քաղաքականությունների բացահայտումների վրա:

## 6. Նշանակալի հաշվապահական դատողություններ, գնահատումներ և ենթադրություններ

### Գնահատումներ, ենթադրություններ և դատողություններ

Հիմնադրամի կողմից հաշվապահական հաշվառման քաղաքականության կիրառման ընթացքում Հիմնադրամի ղեկավարությունը կատարել է գնահատումներ և դատողություններ՝ ֆինանսական հաշվետվություններում ներկայացված տվյալների որոշման համար: Առավել էական ազդեցություն ունեցող գնահատումները և դատողությունները հետևյալն են.

#### Ակտիվների արժեզրկումը և պահուստների հաշվառումը

Հիմնադրամը պարբերաբար վերանայում է իր ակտիվների արժեզրկման հայտանիշները: Հիմնադրամը անհրաժեշտության դեպքում կիրառում է իր մասնագիտական դատողությունները՝ գնահատելու համար ցանկացած արժեզրկումից կորուստների գումարը:

Նույն կերպ, Հիմնադրամը գնահատում է ապագա դրամական հոսքերում փոփոխությունները՝ հիմնվելով այն դիտարկելի տվյալների վրա, որոնք մատնանշում են գործընկերների վճարունակության մակարդակների բացասական փոփոխությունները, կամ ազգային կամ տեղական տնտեսական իրավիճակների փոփոխությունները, որոնք որևէ կերպ առնչվում են ակտիվների արժեզրկման հետ: Սեփական փորձից ելնելով՝ Հիմնադրամը կիրառում է իր մասնագիտական դատողությունները ակտիվների վերաբերյալ դիտարկելի տեղեկատվության ճշգրտման համար՝ ընթացիկ իրավիճակը արտացոլելու նպատակով:

Հիմնադրամը ակնկալվող պարտքային կորուստների գծով ծախս չի ճանաչել և պահուստ չի ձևավորել՝ հաշվի առնելով վերջիններիս գումարային ոչ էական լինելը:

## 7. Կանխավճարներ

Կանխավճարները ներառում են հետևյալ հոդվածները.

|                                                                            | 2022թ.             | 2021թ.         |
|----------------------------------------------------------------------------|--------------------|----------------|
| Կանխավճարներ կապալառուների<br>շինարարական և կառուցման<br>աշխատանքների գծով | 75,140<br>(64,619) | 102,000<br>-   |
| Կանխավճարների արժեզրկման պահուստ                                           |                    |                |
| <b>Ընդամենը կանխավճարներ</b>                                               | <b>10,521</b>      | <b>102,000</b> |

Կանխավճարների արժեզրկման պահուստը վերաբերում է Արցախ Շեն ՍՊԸ-ին (Կապալառու) 26 հուլիսի 2021թ կնքված N1 բնակելի տների կառուցման կապալի պայմանագրի շրջանակում տրված 60,199 հազար ՀՀ դրամի և Մուրադյան ՍՊԸ-ին (Կապալառու) 8 հունիսի 2022թ կնքված N2 բնակելի տների կառուցման կապալի պայմանագրի շրջանակում տրված 4,500 հազար ՀՀ դրամի շինարարական և կառուցման աշխատանքների համար տրված կանխավճարներին: Կապալառուների կողմից պայմանագրերի պահանջների չիրականացման հետ կապված Հիմնադրամը 2023թ-ի ընթացքում հայցադիմումներ է ներկայացրել դատարան՝ տրված կանխավճարների գումարները Կապալառուներից բռնագանձելու պահանջով:



## 8. Դրամական միջոցներ և դրանց համարժեքներ

Դրամական միջոցները և դրանց համարժեքները ներառում են հետևյալ հոդվածները.

|                                                               | Արժույթ | 2022թ.     | 2021թ.        |
|---------------------------------------------------------------|---------|------------|---------------|
| Ընթացիկ հաշիվներ<br>բանկերում                                 | ՀՀ դրամ | 605        | 26,006        |
| <b>Ընդամենը դրամական<br/>միջոցներ և դրանց<br/>համարժեքներ</b> |         | <b>605</b> | <b>26,006</b> |

2022թ. դեկտեմբերի 31-ի դրությամբ Հիմնադրամի դրամական միջոցները տեղաբաշխված են մեկ  
հայկական բանկում, որն ունի կոնտրագենտի ռիսկի գնահատման Ba3 վարկանիշ: Դրամական  
միջոցների և դրանց համարժեքների բոլոր մնացորդները դասակարգված են Փուլ 1-ում:

## 9. Եկամտի սահմանափակ օգտագործման ֆոնդեր

Եկամտի ֆոնդերը ներառում են հետևյալ հոդվածները

|                                                                                              | Եկամտի<br>սահմանափակ<br>ֆոնդեր |
|----------------------------------------------------------------------------------------------|--------------------------------|
| <b>Մնացորդը 2021թ. մայիսի 14-ի դրությամբ</b>                                                 | -                              |
| Եկամտային ֆոնդերի համալրում<br>նվիրաբերություններից                                          | 129,036                        |
| Եկամուտներ ստացված նվիրաբերություններից,<br>ճանաչված համապարփակ ֆինանսական<br>արդյունքներում | (430)                          |
| <b>Մնացորդը 2021թ. դեկտեմբերի 31-ի<br/>դրությամբ</b>                                         | <b>128,606</b>                 |
| Եկամտային ֆոնդերի համալրում<br>նվիրաբերություններից                                          | 43,441                         |
| Եկամուտներ ստացված նվիրաբերություններից,<br>ճանաչված համապարփակ ֆինանսական<br>արդյունքներում | (172,047)                      |
| <b>Մնացորդը 2022թ. դեկտեմբերի 31-ի<br/>դրությամբ</b>                                         | <b>-</b>                       |

Եկամտային ֆոնդերը համալրվել են կազմակերպություններից և անհատներից ստացված  
միջոցներից

|                                                                 | 2022թ.        | 2021թ. մայիսի 14-ից 2021թ.<br>դեկտեմբերի 31-ը ընկած<br>ժամանակահատվածի<br>համար |
|-----------------------------------------------------------------|---------------|---------------------------------------------------------------------------------|
| Կազմակերպություններ                                             | 27,799        | 102,342                                                                         |
| Անհատներ                                                        | 16,130        | 26,094                                                                          |
| <b>Ընդամենը եկամուտներ<br/>ստացված<br/>նվիրաբերություններից</b> | <b>43,929</b> | <b>128,436</b>                                                                  |



**10. Կրեդիտորական պարտքեր**

2022թ. դեկտեմբերի 31-ի դրությամբ կրեդիտորական պարտքերը կազմում են 19,088 հազար ՀՀ դրամ (2021՝ զրո) : Կրեդիտորական պարտքերը վերաբերում են կապալառուների կողմից իրականացրած շինարարական և կառուցման աշխատանքների համար վճարվելիք գումարներին:

**11. Վարչական և այլ ծախսեր**

Վարչական և այլ ծախսերը ներառում են հետևյալ հոդվածները.

|                                                                                      | 2022թ.         | 2021թ. մայիսի 14-ից 2021թ.<br>դեկտեմբերի 31-ը ընկած<br>ժամանակահատվածի<br>համար |
|--------------------------------------------------------------------------------------|----------------|---------------------------------------------------------------------------------|
| Կապալառուների կողմից կատարված<br>շինարարական և կառուցման<br>աշխատանքների գծով ծախսեր | 112,539        | 340                                                                             |
| Տրված կանխավճարների արժեզրկման<br>պահուստի ճանաչման ծախսեր                           | 64,619         | -                                                                               |
| Դատական ծախսեր                                                                       | 1,919          | -                                                                               |
| Աուդիտի և խորհրդատվության ծախսեր                                                     | 500            | -                                                                               |
| Բանկային ծառայության և<br>ապահովագրական ծախսեր                                       | 62             | 136                                                                             |
| <b>Ընդամենը վարչական և այլ ծախսեր</b>                                                | <b>179,639</b> | <b>476</b>                                                                      |

**12. Պարտավորվածություններ, պայմանական պարտավորություններ****Հիմնադրամի գործառնական միջավայրը**

Հայաստանի Հանրապետությունը շարունակում է տնտեսական բարեփոխումները և իրավական, հարկային ու օրենսդրական համակարգերի զարգացումը՝ շուկայական տնտեսության պահանջներին համապատասխան:

Հայաստանի տնտեսության ապագա կայունությունը առավելապես կախված է այս բարեփոխումներից և զարգացումներից, ինչպես նաև կառավարության կողմից իրականացվող տնտեսական, ֆինանսական և դրամավարկային քաղաքականությունների արդյունավետությունից:

Ներկայումս Հոգաբարձուների խորհուրդը հետևում է միկրո և մակրոտնտեսական պայմանների փոփոխության հնարավոր ազդեցությունը Հիմնադրամի ֆինանսական վիճակի և գործունեության վրա:

**13. Գործարքներ կապակցված կողմերի հետ**

Հիմնադրամի հիմնադիրները բացահայտված են Ծանոթագրություն 1-ում: Դեկլարությունը գտնում է, որ Հիմնադրամը տիրապետում է կապակցված կողմերի հետ գործարքների որոշման և պատշաճ կերպով բացահայտման համապատասխան գործընթացների:

Հիմնադրամը կապակցված կողմերի հետ կատարում է այնպիսի գործարքներ, որոնք համարժեք են անկախ կողմերի հետ գործարքներին: 2022թ. դեկտեմբերի 31-ը ընկած ժամանակահատվածի ընթացքում Հիմնադրամը կառավարչական առանցքային անձնակազմից ստացել է 10 հազար ՀՀ դրամ նվիրատվություն (2021թ. մայիսի 14-ից 2021թ. դեկտեմբերի 31-ը ընկած ժամանակահատվածի ընթացքում՝ 208 հազար ՀՀ դրամ):



## 14. Ռիսկի կառավարում

Հիմնադրամի հիմնական ֆինանսական գործիքները կազմված են դրամական միջոցներից և դրանց համարժեքներից, տրված կանխավճարների նվիրաբերությունների գծով ստացվելիք գումարներից, առևտրային և այլ դեբիտորական պարտքերի և այլ կրեդիտորական պարտքերից: Այս ֆինանսական գործիքների հիմնական նպատակը Հիմնադրամի բարեգործական գործունեությունում կիրառումն է:

Հիմնական ռիսկերը, կապված Հիմնադրամի ֆինանսական գործիքների հետ, հանդիսանում են տոկոսադրույքի ռիսկը, արտարժույթի փոխարժեքի տատանման ռիսկը, վարկային ռիսկը և իրացվելիության ռիսկը:

Հիմնադրամի Հոգաբարձուների խորհուրդը իրականացնում է վերահսկողություն այդ ռիսկերից յուրաքանչյուրի գծով, որն ամփոփված է ստորև:

### Տոկոսադրույքի ռիսկ

Հիմնադրամի եկամուտները և գործառնական գործունեությունից դրամական միջոցների հոսքերը անկախ են շուկայական տոկոսադրույքի փոփոխություններից:

### Արժույթային ռիսկ

Հիմնադրամը ստանում է արտարժույթով արտահայտված նվիրաբերություններ իր նվիրատուներից և, հետևաբար, այս տեսանկյունից ենթակա է արտարժույթային ռիսկի:

Հիմնադրամը փոխարկում է արտարժույթով արտահայտված ամբողջ նվիրաբերությունները ՀՀ դրամի, այդպիսով մեղմացնում է արտարժույթի փոխարժեքի փոփոխությունների ռիսկը:

### Վարկային ռիսկ

Հիմնադրամը համագործակցում է միայն ճանաչված և վճարունակ երրորդ կողմերի հետ:

Հիմնադրամի՝ վարկային ռիսկին ենփարկվածության վրա ազդում է գործընկերոջ հնարավոր անվճարունակությունը, որի առավելագույն գումարը հավասար է համապատասխան ֆինանսական գործիքի հաշվեկշռային արժեքին:

Տրված կանխավճարների գծով վարկային ռիսկի առավելագույն գումարը հաշվետու ամսաթվի դրությամբ կազմում է 10,521 հազար ՀՀ դրամ:

### Իրացվելիության ռիսկ

Հիմնադրամն իրականացնում է շարունակական վերահսկողություն վնասներ կրելու ռիսկի ուղղությամբ, որն առաջանում է իրացվելի ակտիվների բացակայության պատճառով ֆինանսական պարտավորություններն ամբողջությամբ կատարելու անկարողությունից: Հաշվետու ամսաթվի դրությամբ Հիմնադրամը չունի ֆինանսական պարտավորություններ:

## 15. Հաշվետու ժամանակաշրջանից հետո տեղի ունեցող դեպքեր

Հաշվետու ժամանակաշրջանից հետո իրադարձություններ չեն եղել, որոնք կարող են պահանջել ճշգրտում կամ բացահայտում Հիմնադրամի 2022թ. դեկտեմբերի 31-ին ավարտված տարվա ֆինանսական հաշվետվություններում: